

米反正作下時軟善斷下亂反劇反逆音狎習上甲胡反叛
音倮倮上母忍反稚女上直反構合下古合候反反
要誓邀上音茶脾上類音茶下斫反之若咽下古音
爆必見滋汲二給音脅脇虛業不惡故下鳥悟
良升放牧目下音湯突上正徒骨反郎險巖許
其蠱古音

彌沙塞部五分律卷第三

卑三

宋罽賓三藏佛陀什共竺道生譯

初分十三僧殘法之餘

佛在拘舍彌國亦時闍陀比丘常出入諸家
為說法料理官事療治眾病國王大臣長者
居士無不親敬有諸人等同來問訊遇於經
行所頭面禮足為說妙法示教利喜已各歸
其家闍陀便還上座已據其房如是展轉乃
至小房亦復如是既不得任便遊人間後諸
人等復來問訊見諸比丘露處經行問言我
師闍陀今在何處諸比丘言我等不知遍求
不得便各還歸闍陀行還著衣持鉢往到其

家皆出問訊白言長老我等近至僧房不得
相見今從何來答言我最下座一切諸房上
坐已滿是故遊行致此垂互諸人白言可求
屋處我等當為長老作之既以見福而使長
老得安隱住又令我等不乖問訊闍陀答言
我不能自作以廢行道年長自當以次得之

諸人又言我幸有物及有善心財物無常善
心難保願為求處必欲作之闍陀見其慙慙
難相違逆即便遊行求作屋地見神樹處最
可建立即便伐之此樹有神國人所奉諸祈
請者多得如願忽見斫伐莫不驚恠不信樂
佛法者皆呵罵言沙門釋子無道之甚苟欲
自利傷害天人信樂佛法者便言此樹有神
眾人畏敬夙夜虔恭不敢墮慢而諸比丘伐
之無疑一切危心晏安如故可謂大神可貴
可重毀譽之聲充滿國內諸長老比丘聞種
種呵責將至佛所以事白佛佛以是事集比
丘僧問闍陀汝實亦不答言實亦世尊佛種

種呵責已告諸比丘以十利故為諸比丘結戒從今是戒應如是說若比丘有主為身作房應將諸比丘求作處諸比丘應示作處無難處有行處若不將諸比丘求作處僧伽婆尸沙有王者有檀越餘如上無主中說佛在王舍城尔時瓶沙王日日次請五百僧

食城內臣民亦同如是時諸比丘各念行道未有專知差次請者六群比丘常往好處諸人問言我等為僧次第設食何故長老常來不見餘人如是呵責而猶不已時陀婆力士子年十四出家為道在靜處作是念今瓶沙王日日次請五百僧食城內臣民亦復如是

甲三

二

而僧無有差次會者致使六群選擇好處以失眾望喪人施意若我二十受具足戒得阿羅漢獲六神通當為眾僧作差會及分卧具人至年十六便成羅漢得六神通年滿二十受具足戒便作是念我先願為眾僧作差會及分卧具人今時已至便應作之即詣王舍

城諸比丘所說先所願諸比丘即以白佛佛以是事集比丘僧問陀婆汝實欲為僧作差會及分卧具人不荅言實尔世尊佛種種讚少欲知足讚戒讚持戒已告諸比丘今聽陀婆為僧作差會及分卧具人僧應白二羯磨差一比丘白言大德僧聽今此陀婆比丘欲

為僧作差會及分卧具人若僧時到僧忍聽白如是大德僧聽此陀婆比丘欲為僧作差會及分卧具人誰諸長老忍默然若不忍說僧已聽陀婆比丘作差會及分卧具人竟僧忍默然故是事如是持於是陀婆即為僧作差會及分卧具人分卧具時少欲知足少欲知

足共樂靜樂靜共誦修多羅誦修多羅共持律持律共法師法師共唄唎唄唎共阿練若阿練若共乞食乞食共坐禪坐禪共如是等眾行不同各得其類隨宜示導諸房舍處一切比丘咸得所安諸方比丘有暮至者輒詣陀婆求住止處陀婆即入火光三昧左手出

甲三

三

光右手示卧具處莫不允合時諸遠方聞陀婆比丘爲王舍城僧差會及分卧具有如上美皆作是念我當往彼問訊世尊并見陀婆及觀神力於是發來投暮到城至陀婆所求住止處陀婆皆悉如法安處次差會人亦復如是時王舍城有善飯長者見法得果日爲

二比丘作上美食自來請之慈地兄弟並薄福德分卧具差會時常得鹿惡階次幸遇差至其家善飯知己便生是念此等惡人無清淨行云何受我上美供養即便還歸語其婦言汝可更作鹿惡之食慈地等來門外敷座使婢下之婦即受教設備鹿惡慈地兄弟至時持鉢到善飯家就座而坐群婢於是持鹿食出慈地見便問言姊妹汝家常作好食今何故鹿婢言我是下人不知所以食訖便還道中行罵陀婆力士子要當令汝受苦劇我到所住已向諸上座言陀婆力士子隨愛恚癡畏若畏與好不畏與惡諸比丘言汝等莫

作是語陀婆比丘隨愛恚癡畏何以故陀婆比丘得阿羅漢備六神通隨愛恚癡畏無有是處慈地言正以得神通故觀見諸家有好好有惡好與餘人惡輒差我是故我言隨愛恚癡畏作是語已出於餘處先爲陀婆作惡名聲然後至王舍城到其妹尼弥多羅所弥多

羅見二兄來迎禮問訊慈地兄弟皆不共語弥多羅言不憶犯兄何故如此慈地答言汝不助我故致使陀婆苦我如是弥多羅言兄欲令我云何相助答言汝若助我可到佛所白言世尊無恐懼中反致怖畏我今無處而得安隱本謂陀婆是梵行人忽來汗我犯波羅夷弥多羅言陀婆清淨我若謗之僧必當作自言擯我我既出衆當何所依慈地等言我當證汝擯於陀婆何緣使汝得自言擯弥多羅言若僧擯陀婆我豈得異慈地等言但令世尊斥逐陀婆爲吾受擯亦復何苦我等自當好相安處妹敬重兄不敢違命便到佛

卑三

四

所如上白佛尔時陀婆及羅睺羅在佛左右
 佛問陀婆汝聞弥多羅所說不答言已聞佛
 自知之如是三問答亦如是於是羅睺羅白
 佛言世尊何須三問陀婆但當斥擯此比丘
 尼佛言若弥多羅以此謗汝汝當云何答言
 當言此事佛自知之佛言汝可如是陀婆亦
 然乎佛語陀婆汝起自明今非默時汝當憶
 念有當言有無當言無不得直言佛自知之
 陀婆便從座起更整衣服長跪合掌白佛言
 世尊我從生來未曾夢中有此念想於今云
 何得有憶知佛讚言善哉善哉汝快自明欲
 自明者應當如此佛告諸比丘應與陀婆憶
 念比丘尼不應舉事應與弥多羅白四羯磨
 自言滅擯一比丘唱言大德僧聽此弥多羅
 比丘尼自言陀婆汗我僧今與自言滅擯若
 僧時到僧忍聽白如是大德僧聽此弥多羅
 比丘尼自言陀婆汗我僧今與自言滅擯誰
 諸長老忍默然若不忍說如是第二第三僧

已與弥多羅比丘尼自言滅擯竟僧忍默然
 故是事如是持弥多羅比丘尼被滅擯已出
 遊人間慈地兄弟猶語諸比丘言陀婆力士
 子壞我妹梵行致使如是諸比丘復以白佛
 佛以是事集比丘僧告諸比丘汝等應檢問
 慈地汝言陀婆壞汝妹梵行為實為虛諸比
 丘受教即問慈地慈地答言我言是實僧復
 問汝何處見何時見云何見答言我某處見
 某時見如是見僧次問陀婆汝尔時為在何
 處答言我在某處僧復語慈地處不相應時
 不相應汝云何言某處某時如是見耶復語
 慈地若於一堅信比丘前妄語罪重傷殺無
 數眾生於一堅法其所獲罪過百堅信如是
 展轉於僧前妄語其罪重於百阿羅漢又語
 慈地僧今集會不隨愛恚癡畏汝可更說為
 實為虛慈地言陀婆隨愛恚癡畏故我作是
 語諸比丘種種呵責將至佛所以事白佛佛
 以是事集比丘僧問慈地汝實以無根波羅

夷謗陀婆不答言實尔世尊佛種種呵責汝
愚癡人云何以無根波羅夷謗於清淨梵行
比丘汝豈不聞三種人墮地獄耶一者犯戒
無沙門法自言已有不修梵行自言已修於
佛法中猶如敗種二者作如是見如是說姪
欲非惡而為放逸三者以無根波羅夷謗於

清淨梵行比丘此三種人必墮地獄汝今云
何作此惡事佛更種種呵責已告諸比丘以
十利故為諸比丘結戒從今是戒應如是說
若比丘自不如法惡瞋故以無根波羅夷謗
無波羅夷比丘欲破彼梵行是比丘後時若
問若不問言我是事無根住瞋故謗僧伽婆
尸沙自不如法者自己事事不如法惡瞋者
九惱也無根者不見不聞不疑無波羅夷者
於四波羅夷一一無犯欲破彼梵行者欲使
還俗若作外道後時若問若不問者後檢校
何處何時云何見也事有四種言諍事教誡
諍事犯罪諍事事諍事若比丘不見不聞不

疑他犯波羅夷若以此謗僧伽婆尸沙見疑
聞疑疑疑見志聞志疑志而以無根法謗僧
伽婆尸沙若面前謗解者僧伽婆尸沙不解
者偷羅遮若書使相相似語手語謗解者偷
羅遮不解者突吉羅若謗比丘尼式又摩那
沙弥沙弥尼突吉羅比丘尼謗比丘尼僧伽

甲三

六

婆尸沙謗比丘波逸提謗式又摩那沙弥沙
弥尼突吉羅式又摩那沙弥沙弥尼謗五眾
皆突吉羅

佛在王舍城尔時偷羅難陀比丘尼以陀婆
比丘神通大德故數來問訊共一處坐說受
法教慈地見之復欲誹謗後從耆闍崛山下
見二猕猴合會行欲便作念言我今當與彼
二猕猴作假名字雄者名陀婆雌者名偷羅
難陀作是念已便語諸長老比丘言我先以
無根法謗陀婆今親自見與偷羅難陀作不
淨行諸比丘以是白佛佛告諸比丘應集僧
檢問慈地汝言先以無根法謗陀婆今親自

見與偷羅難陀作不淨行為實為虛諸比丘受教集僧問慈地乃至汝可更說為實為虛皆如上說如是問已慈地言我實不見陀婆作不淨行我見偷羅難陀數來往陀婆所意欲謗之從耆闍崛山下見狢猴雄雌共合我便假名雄者為陀婆雌者為偷羅難陀故言

親見為不淨行耳諸比丘種種呵責汝云何於異分中取片若似片作波羅夷法謗無波羅夷比丘將至佛所以事白佛佛以是事集比丘僧問慈地汝實亦不答言實亦世尊佛種種呵責已告諸比丘以十利故為諸比丘結戒從今是戒應如是說若比丘自不如法

甲三

七

惡瞋故於異分中取片若似片作波羅夷謗無波羅夷比丘欲破彼梵行是比丘後時若問若不問言我是事異分中取片若似片住瞋故謗僧伽婆尸沙事者言諍事教誡諍事犯罪諍事事諍事若比丘見他犯僧伽婆尸沙定生僧伽婆尸沙想瞋故於異分中取片

若似片謗無波羅夷比丘僧伽婆尸沙聞疑亦如是見聞疑他犯偷羅遮犯波逸提犯波羅提提舍尼犯突吉羅以波羅夷謗亦如是餘如上說佛在弥那邑阿菟林下亦時貴族諸釋種子多於佛所出家學道時釋摩男語阿那律言今諸貴族並皆出家修於梵行我等兄弟如何獨不我若出家汝知家事汝若捨俗我當料理阿那律言願兄出家我知家事釋摩男言汝先由我在家受樂不知艱難然出家行道亦復辛苦汝今住家吾當語汝營家之法便種種語之晝應亦夜應亦田商貨殖驅役之法悉以語之阿那律言若營家如此乃得成立我乃不能一日為之願兄住家我當修道釋摩男言諸佛世尊父母不聽不得為道汝今自可答白於母阿那律即便往啓我欲於佛法出家學道母言我唯有汝兄弟二人愛念情重如何生離汝家大富快修功德何須出家奪吾此意苦請至三母乃

答言若跋提王出家者我亦聽汝時跋提王與阿那律阿難難提調達婆婆金鞞盧等甚相愛重若有所為誓不相違於是阿那律往白跋提王言今有微願願必見從王言吾等本要誓不相違若相違者頭破七分但令卿願必可從耳阿那律即以母言白王王言如

卿此願我未能從所以者何我願作王今日始果親族富貴無有外憂何能捨此出家學道阿那律言若王出家吾願乃果貪著寵榮吾則未倫願王三思不違先誓王言當從汝願寬我七年然後共汝出家學道阿那律言却後七年佛不必在又我危脆性命難保王

甲三

八

今云何以此為期王復言七年若遠六年可乎亦答如上五四三二至于一年七月至于一月七日至于一日皆亦如是王言我等長者如何便得率尔而去當設方便嚴駕出遊因此微行乃可得耳汝今便可語阿難陀等令知此意阿那律即宣語五人五人欣然莫

逆於心即便竟夜嚴四種兵極世儀飾晨朝出遊盡遊觀已密將剃頭人優波離捨諸儂從至隱避處寶衣與之令其剃髮變服而去去未久優波離作是念諸釋豪強若知剃諸人髮必當殺我如此貴族尚能捨家我今何為不捨剃具及諸寶衣隨彼而去即自剃頭

以諸寶衣掛著樹上作是念須者取之於是疾行須臾相反語七人言我今亦欲相隨出家七人即受同詣佛所頭面禮足白言世尊我等今欲出家淨修梵行而優波離是我等僕願佛先與受具足戒然後度我當令我等及諸釋種於彼人所破大橋慢佛即先度七

人後度於時世尊作是念迦維羅衛去此不遠諸釋知者或有留難便將八人詣跋提羅城住網林樹下為說妙法眼無常色無常眼識眼觸眼觸因緣生受無常乃至意無常法無常意識意觸意觸因緣生受無常汝聖弟子應作是觀生厭離心得解脫智所作已辦

甲三

九

梵行已立不受後身說是法時六人漏盡得
 阿羅漢阿難侍佛不盡諸漏調達一人空無
 所獲跋提王既得羅漢心淨無畏若在樹下
 露處經行輒自慶言使哉使哉有異比丘聞
 此聲已作是念跋提比丘必憶世樂不樂梵
 行即往白佛我向於彼聞跋提言使哉使哉

必憶為王時樂不樂梵行佛告比丘汝可呼
 來便往語言大師呼汝跋提即到佛所頭面
 禮足却住一面佛問跋提汝實言使哉不答
 言實尔世尊又問跋提汝見何義而言使哉
 跋提白言我昔在家住於七重城墜之裏七
 行象七行馬七行車七行步四兵圍遶忽聞

異聲心驚毛豎今在樹下空露之地坦然無
 憂是故稱使佛告比丘跋提已得羅漢不樂
 梵行無有是處尔時世尊因跋提而說偈曰
 使哉阿羅漢 無復恩愛縛 已破欲恚礙
 無復諸結網 既到於泥洹 無有穢濁心
 不染著於世 解脫無諸漏 了達於五陰

遊於七法林 大龍所行處 已伏諸恐怖
 成就十種分 龍德三昧禪 一切有漏盡
 世間之第一 不動無所畏 不復受後身
 已息寂滅處 永無苦樂報 住於無學智
 此身最後邊 梵行堅固立 無諸不可信
 天上天下中 無復諸欲樂 此名師子吼

無能勝佛者

於是世尊與諸大德聲聞受阿耨達龍王請
 調達未得神通不能得去羞耻兼深便作是
 念我今當問修神通道便往白佛願佛為我
 說修神通法佛即為說調達受學安居之中
 便獲神通獲神通已作是思惟誰應失化復
 作是念瓶沙王太子名曰象樂先化導之然
 後餘人乃從我教作是念已即於網林下設
 在太子牀上現作小兒嚙指仰臥太子見之
 即大惶怖問言汝為是天為是鬼神答言我
 是調達勿恐勿怖太子語言若是調達復汝
 本形即自變復威儀如本太子歡喜而師事

甲三

十

網林出遊行人間到拘舍弥國住瞿師羅園
尔時目連住一別處此國先有憍陳如子名
曰柯然淨修梵行得阿那含果生於梵天中
夜寂靜從天來下放大光明詣目連所頭面
禮足白言調達今化衆樂太子現諸神變恐
其必欲招引徒衆磁和合僧作是語已忽然
不現於是目連晨朝整服往詣佛所以柯然
言具以白佛佛問目連汝意云何當謂審如
柯然語不荅言意以爲然佛告目連莫說此
語所以者何於天上天下不見沙門婆羅門
諸天魔梵有能領佛徒衆者又告目連世間
有五種師今皆現在一者戒不清淨自言戒
淨其諸弟子如實知之覆藏其過以望利養
二者邪命諂曲自言正直而諸弟子亦覆藏
之三者所說不善自言善說而諸弟子歎以
爲善四者見不清淨自言見淨而諸弟子稱
言見淨五者說非法律言是法律而諸弟子
亦云是法而不能使智者信受目連如來戒

十一

十一

淨無有諂曲言無不善知見清淨所說是法
智者信受不須弟子共相稱覆尔時有異比
丘於王舍城安居竟著衣持鉢來詣佛所白
佛言世尊調達化衆樂太子現作小兒乃至
種種餽饋而以供養佛告比丘莫羨調達作
此變化以致利養若有恭敬供養之者增其
長夜受諸苦痛猶如惡狗以杖打之更增其
惡調達如是多得供養煩惱轉增尔時世尊
欲重宣此義而說偈言
愚人增其惡 由於利養生 癡斷清白法
猶如身首分 不修清淨行 而志招學徒
欲居衆人上 望一切歸宗 有人求利養
或有求泥洹 利養傷清白 寂滅却慳貪
復告諸比丘芭蕉竹蘆以實而死駝驢懷妊
亦喪其身今調達貪求利養亦復如是
尔時出尊欲重宣此義而說偈言
芭蕉以實死 竹蘆實亦然 駝驢坐妊死
士以貪自喪

於是世尊從拘舍弥國漸漸遊行向王舍城
住者闍崛山爲比丘比丘尼優婆塞優婆夷
國王大臣沙門婆羅門梵志居士供養恭敬
尊重讚歎衣食卧具及諸醫藥無所染著猶
如蓮華尔時世尊與無央數大眾圍遶說法
調達便從座起更整衣服偏袒右肩頭面禮
足胡跪合掌白佛言世尊唯願安住我今自
當領理衆僧佛語調達舍利弗目連猶尚不
能領我徒衆況汝愚癡食涎唾乎於是調達
生忿恨心云何世尊於大眾前乃作如此底
下呵辱以生惡心向佛故初損神足復作是
念佛稱讚舍利弗目連而毀訾我復生惡心

向舍利弗目連是第二損其神足便還所住
爲國王大衆圍遶說法其衆中有一比丘來
白佛言今調達爲國王大衆圍遶說法佛告
比丘調達不但今世得此大眾過去出時亦
曾得此諸比丘乃往古昔有一摩訶在山窟
中誦利利書有一野狐住其左右專聽誦書

甲三

土

心有所解作是念如我解此書語足作諸獸
中王作是念已便起遊行逢一羸瘦野狐便
欲殺之彼言何故殺我答言我是獸王汝不
伏我是以相殺彼言願莫殺我我當隨從於
是二狐便共遊行復逢一狐又欲殺之問答
如上亦言隨從如是展轉伏一切狐便以羣
狐伏一切象復以衆象伏一切虎復以衆虎
伏一切師子遂便權得作獸中王既作王已
復作是念我今爲獸王不應以獸爲婦便乘
白象帥諸群獸不可稱數圍迦夷城數百千
弔王遣使問汝諸群獸何故如是野狐答言
我是獸王應娶汝女與我者善若不與我當
滅汝國還白如此王集群臣共議唯除一臣
皆云應與所以者何國之所恃唯賴象馬我
有象馬彼有師子象馬聞氣惶怖伏地戰必
不如爲獸所滅何惜一女而喪一國時一大
臣聰銳遠略白王言臣觀古今未曾聞見人
王之女與下賤獸臣雖弱昧要殺此狐使諸

群獸各各散走王即問言計將焉出大臣答
言王但遣使剋期戰日先當從彼求索一願
願令師子先戰後吼彼謂吾畏必令師子先
吼後戰王至戰日當勅城內皆令塞耳王用
其語遣使剋期并求上願至于戰日復遣信
求然後出軍軍鋒欲交野狐果令師子先吼

甲三

十三

野狐聞之心破七分便於象上墜落于地於
是群獸一時散走佛以是事而說偈言

野狐憍慢盛 欲求其眷屬 行到迦夷城

自稱是獸王 人橋亦如是 統領於徒衆

在摩竭之國 法王以自號

告諸比丘尔時迦夷王者我身是聰銳大臣

者舍利弗是野狐王者調達是諸比丘調達
往昔詐得眷屬今亦如是舍利弗汝往調達
衆中作是唱言若受調達五法教者彼為不
見佛法僧舍利弗言我昔已曾讚歎調達今
日云何復得毀些佛言沒昔讚歎為是實不
答言是實佛言今應毀些而毀些亦復是實

告諸比丘今應白二羯磨差舍利弗往調達
衆中毀些調達一比丘唱言大德僧聽今差
舍利弗往調達衆中作是言若受調達五法
教者彼為不見佛法僧若僧時到僧忍聽白
如是大德僧聽今差舍利弗往調達衆中作
是言若受調達五法教者彼為不見佛法僧

誰諸長老忍默然不忍者說僧已差舍利弗
竟僧忍默然故是事如是持於是舍利弗即
往調達衆中高聲唱言若受調達五法教者
彼為不見佛法僧時彼衆會皆悉唱言沙門
釋子更相憎嫉見調達多得供養便作是語
時瓶沙王在彼衆中即宣令言莫作此語所

以者何佛衆清淨無憎嫉故於是調達便語
衆人欲見天上曼陀羅華不成言欲見調達
即於衆前沒到華池邊適欲取華便失神足
還在本坐調達既失神足便生惡心欲害於
佛白太子言今汝父王正法御世如我所見
衰喪無期人命無常喘息難保何必長年剋

此王位自可當之早有四海我當害佛代為法主新王新佛於摩竭國共弘道化不亦善乎太子答言父母恩重過於二儀顧復長育欲報罔極汝今云何導吾此逆調達聞之心無慙愧猶以巧言引誘其意遂便迷沒受悅其語太子後時密帶利劍向于王門內懷惡

甲三

十四

逆不覺戰怖於王門前倒地復起門官見已便作是念太子常來威儀庠序今日如此必當有故即往問之太子答言我欲殺王是故如此又問太子為受誰教答言調達門官共議當如之何第一議言一切沙門太子眾樂皆應殺之第二議言佛已先遣舍利弗唱其惡逆云何乃欲盪殺沙門罪正應止太子調達二人而已第三議言我等不應輒判此罪當以白王王有教勅當奉行之作是議已便以白王王問汝等眾臣議意云何即具以上答王即斥逐第一議者第二議人免所居官稱第三議加其名位更令群臣共議此事諸

臣咸言上第二議並謂允合而生乃免所居之位觀王聖心不忍有害正形既施當從下計王立太子本為國嗣志速為王故懷此逆遜位與之其惡必息議合王心即便捨位拜之為七號阿闍世初登王位受五欲樂弑逆之心便得暫息如是少時乃以無事而害父

命介時阿闍世王有大惡象調達密至象師所語言明日瞿曇當行此路汝可為吾飲象令醉放走於道佛慢心多必不避之因此踰殺厚賞汝物世尊明日食時著衣持鉢從五百弟子入城乞食象師先已飲象令醉遙見佛來即便放之信樂佛法者見放醉象皆往

甲三

十五

白佛唯願世尊更從餘路五百弟子及阿難亦如是白佛皆答之三言無苦龍不害我諸弟子眾皆不覺捨佛從餘路去唯有阿難獨從後行時觀者四塞各各議言今二龍闕看誰得勝外道輩言象龍力大必勝於人佛弟子言人龍道尊象必降伏空辯無徵遂乃積

歛金錢共賭勝負於是醉象遙見佛來奮耳
鳴鼻大走向佛阿難怖懼恍惚不覺入佛腋
下佛語阿難汝向三聞無苦如何不信猶作
此懼佛見象來入慈心三昧而說偈言
汝莫害大龍 大龍出世難 若害大龍者
後生墮惡道

象聞偈已以鼻布地抱世尊足須臾三反上
下觀佛右遶三匝却行而去從是以後遂成
善象莫不雅奇同聲歎言瞿曇沙門不用刀
杖伏此惡象國中人民無復恐怖何其快哉
諸外道輩皆悉慙愧佛弟子眾踊躍歡喜歛
得金錢七十餘萬佛既降象復說偈言

象醉含瞋忿	來向天中天	百姓莫不觀
斂錢賭勝負	其形如大山	力勝六十象
聲響振人心	一吼破敵陣	大力天中大
愍眾出於世	欲度惡象故	住立在其前
象伏眾人見	道俗皆踊躍	歎佛降惡象
猶如師子王		

時調達見已作是念今以此事不得害佛當
更求凶人不識佛者厚相貨誘令往殺之即
四出求索見一壯夫便語之言汝為我殺佛
當厚相報其人貪貨應募而去尔時世尊在
露處經行遙見彼人以慈心三昧遍滿其身
舉手呼之於是彼人不覺捨刀棄行趣佛頭

面禮足白佛言我今癡狂欲害世尊自知過
重願聽懺悔佛言汝實愚癡云何為貨欲害
如來於我法中若知有罪而懺悔者增長善
根次為說法所謂施論戒論生天之論在家
洩累出要為樂彼人內喜佛知其意更為說
法所謂苦集盡道聞法開解於諸法中遠塵

離垢得法眼淨見法得果已自歸三尊受持
五戒世尊發遣從異路歸調達復募二人令
殺前人以滅惡聲復遣四人如是展轉乃至
三十二人皆前至佛所佛亦如前次第說法
盡得須陀洹果時諸比丘聞調達遣人害佛
皆持器械衛護世尊分部相著各在一面諸

佛常法日再出房於晨朝出見諸比丘悉在左右問言汝等何故持杖住此諸比丘言聞調達遣人欲害世尊不能自安所以住此佛告比丘若如來橫死無有是處世間五師須防護耳我不須汝各隨所安自護其心調達知已復作是念我復不能以此害佛當更覓人躬自將去故應必果即得一人共上耆闍崛山尔時世尊在山下石上經行調達便使彼人推石害佛其人發心推石四肢便不得舉心念佛功德大手足還復調達見此益瞋忿言汝何瘳困速疾滅去即自捉大石推下礪佛山下有神名金鞞盧接之速棄片逆著佛傷足大指世尊見已語調達言汝今便得無間之罪若以惡心出佛身血必墮無間阿鼻地獄調達復作是念我既不能得害於佛唯當破其和合僧耳佛大神力若我能破其僧名必速振佛知其意語調達言汝莫破和合僧若僧已破能和合者其人生天一劫受

甲三

十七

樂若僧和合而破之者墮地獄中一劫受苦調達聞已暫捨是心後尋復生如上所念佛止如初便說偈言
 眾聚和合樂 和合常安隱 若破和合僧 一劫地獄苦 眾聚和合樂 和合常安隱 若和合破僧 一劫生天樂 若分部分別 常作不善語 以破和合僧 一劫地獄苦 不分部分別 常能說善語 以和合破僧 一劫生天樂
 調達聞已復暫捨是心後尋復生方便過前時諸比丘聞調達欲破和合僧即往白佛佛以是事集比丘僧種種遙責調達已語諸比丘應差一比丘與調達親厚者往諫言汝莫破和合僧莫作破僧事當與僧和合僧和合故歡喜無諍一心一學如水乳合共師教弘安樂行若受者善若不受應遣眾多比丘若復不受應僧往諫諸比丘受教如是三反皆悉不受諸比丘種種呵責已以是白佛佛以

是事集比丘僧更種種遙責調達已告諸比丘以十利故為諸比丘結戒從今是戒應如是說若比丘為破和合僧勤方便諸比丘語是比丘汝莫為破和合僧勤方便當與僧和合僧和合故歡喜無諍一心一學如水乳合共弘師教安樂行如是諫堅持不捨應第二

第三諫第二第三諫捨是事善不捨者僧伽婆尸沙為破者求為破僧因緣和合者同布薩自恣羯磨常所行事僧者從四人已上彼比丘欲破僧餘僧見聞知差一與親厚比丘往諫若捨者應一突吉羅悔過若不捨應遣眾多比丘往諫若捨者應二突吉羅悔過若不捨應僧往諫若捨者應三突吉羅悔過若不捨復應白四羯磨諫一比丘唱言大德僧聽此某甲比丘為破和合僧勤方便僧已諫汝莫為破和合僧勤方便如是諫堅持不捨僧今羯磨諫若僧時到僧忍聽白如是白已應語彼比丘僧已白竟餘三羯磨在汝當

畢三

六

捨是事莫犯僧伽婆尸沙彼若捨應三突吉羅一偷羅遮悔過若不捨復應唱言大德僧聽此某甲比丘為破和合僧勤方便乃至僧今羯磨諫誰諸長老忍默然不忍者說復應語彼比丘僧已一羯磨竟餘二羯磨在汝當捨是事莫犯僧伽婆尸沙彼若捨應三突吉

羅二偷羅遮悔過若不捨復應如上第二羯磨第二羯磨竟復應如上語若捨應三突吉羅三偷羅遮悔過若不捨復應如上第三羯磨第三羯磨未竟捨者三突吉羅三偷羅遮悔過第三羯磨竟捨不捨皆僧伽婆尸沙比丘尼亦如是式又摩那沙弥沙弥尼突吉羅若白不成三羯磨皆不成若作餘羯磨遮羯磨非法羯磨不諫自捨皆不犯佛在王舍城亦時助調達比丘語諸比丘言調達所說是知說非不知說說法不說非法說律不說非律皆是我等心所忍樂諸長老比丘聞種種呵責汝云何言調達所說是知

說非不知說說法不說非法說律不說非律
皆是我等心所忍樂呵責已以事白佛佛以
是事集比丘種種遙責助調達比丘已語
諸比丘應差一比丘與助調達比丘親厚者
往諫莫言調達所說是知說非不知說說法
不說非法說律不說非律皆是我等心所忍

卅三

十九

樂何以故調達非知說非說法非法律汝等
莫助破和合僧當助和合僧僧和合故歡喜
無諍一心一學如水乳合共弘師教安樂行
若受者善若不受應遣衆多比丘及僧往諫
諸比丘受教如是三反助調達比丘悉皆不
受諸比丘種種呵責已以事白佛佛以是事
集比丘僧更種種遙責助調達比丘已告諸
比丘以十利故爲諸比丘結戒從今是戒應
如是說若比丘助破和合僧若二若三若衆
多語諸比丘言是比丘所說是知說非不知
說說法不說非法說律不說非律皆是我等
心所忍樂諸比丘語彼諸比丘汝莫作是語

是比丘所說是知說非不知說說法不說非
法說律不說非律皆是我等心所忍樂何以
故是比丘非知說不說法不說律汝莫樂助
破和合僧當樂助和合僧僧和合故歡喜無
諍一心一學如水乳合共弘師教安樂行如
是諫堅持不捨應第二第三諫第二第三諫
捨是事善不捨者僧伽婆尸沙助破者助成
破僧因緣和舍者同布薩自恣差一親厚諫
若捨一突吉羅悔乃至不諫自捨餘如上說
佛在拘舍彌國爾時闍陀比丘數數犯罪入
白衣舍上牀下牀皆不如法別衆食數數食
非時入聚落不白善比丘諸比丘見語言汝
犯如是如是罪汝應見罪悔過莫不清淨修
於梵行無得長夜受諸苦惱勿令施主失大
功德答言大德汝等不應教我我應教汝何
以故聖師法王是我之主法出於我無豫大
德譬如大風吹諸草穢并聚一處諸大德等
種種姓種種家種種國出家亦復如是云何

而欲教誠於我諸大德莫語我若好若惡我亦不語大德若好若惡諸比丘復語闍陀莫作自我不可共語汝當語諸比丘若好若惡諸比丘亦當語汝若好若惡如是展轉相教轉相出罪成如來衆諸比丘如是諫堅持不捨將至佛所以事白佛佛以是事集比丘僧

甲三

二十

問闍陀汝實亦不答言實亦世尊佛種種呵責汝愚癡人不應作不可共語諸比丘見汝犯罪欲不共汝布薩自恣羯磨常所行事哀愍汝故呵諫於汝汝今云何而不信受佛種種呵責已語諸比丘應差一比丘與闍陀親善者往諫如上次衆多比丘及僧諸比丘受教三反不受以是白佛佛以是事集比丘僧更種種遙責闍陀已告諸比丘以十利故爲諸比丘結戒從今是戒應如是說若比丘惡性難共語與諸比丘同學經戒數數犯罪諸比丘如法如律諫其所犯答言大德汝莫語我若好若惡我亦不以好惡語汝諸比丘復

語言汝莫作自我不可共語汝當爲諸比丘說如法諸比丘亦當爲汝說如法如是展轉相教轉相出罪成如來衆如是諫堅持不捨應第二第三諫第二第三諫捨是堅持不捨者僧伽婆尸沙惡性難共語者不受教誨無恭敬心自是非彼同學經戒者經謂一切佛

教戒謂波羅提木叉餘如上說

佛在舍衛城爾時吉羅邑有二比丘一名頰脾二名分那婆數行惡行汙他家作種種非威儀事自結華鬘亦教人結自著教人著與女人同牀坐共盤食飲酒噉肉歌儻伎樂作諸鳥獸種種之聲亦作鳥獸鬪諍時像菹博

甲三

廿

嬉戲倒行擲絕彈指胸眼向於女人角戾面目吐舌張口作如是等身口意惡破於戒見威儀正命時五百比丘威儀具足從迦夷國來到此邑至時持鉢入村乞食諸居士見咸作是言此諸比丘從何處來低頭默然狀如孝子不知與人交接言語我此自有二賢比

丘多才多藝善悅人心何用此輩久留邑里並不與食空鉢而出時舍利弗目連亦從迦夷來向此邑頰脾等聞作是念此二人來必為我等作惡名聲斷我供養便往語諸居士言須臾當有二比丘來一名目連善知幻術現種種變二名舍利弗善知呪法巧言惑人汝若同心不為彼惑我當住此若不能者正亦便去諸居士言長老安住我終不為彼之所惑二人既到諸居士皆將大小迎逆問訊頭面禮足却坐一面於是目連為現神變分身百千還合為一石壁皆過覆水如地坐卧空中如鳥飛翔身至梵天手捫日月身上出火身下出水身上出水身下出火或現半身或現全身東涌西沒西涌東沒南涌北沒北涌南沒中涌邊沒邊涌中沒現神變已還坐本處時諸居士竊相謂言目連善知幻術此則然矣於是舍利弗為說妙法初中後善善義善味具足清白梵行之相說是法已默然

而住時諸居士亦復相語舍利弗善知呪法亦復驗矣於是眾人都不信受無有供養亦時彼邑有二優婆塞一名富閣二名優樓伽信樂佛法見諦得果常好布施供養沙門聞舍利弗目連從迦夷來共出迎之頭面禮足為說妙法示教利喜聞法已白舍利弗言此邑有二比丘常作種種非威儀事廣說如上近有五百比丘威儀庠序入村乞食空鉢而出唯願大德以此白佛於是二人為優婆塞更說妙法示教利喜已還舍衛城具以白佛佛以是事集比丘僧告阿難汝往彼邑與二比丘作駝出羯磨阿難白佛彼惡比丘非沙門自言沙門常作不淨心已敗壞我若獨往彼必肆惡隨意惱我佛告阿難如是如是如汝所說汝今便可將諸比丘隨意多少到彼集眾然後乃舉頰脾等罪白四羯磨駝出彼邑一比丘唱言大德僧聽此某甲比丘行惡行汗他家行惡行皆見聞知汗他家亦見聞

甲三

廿二

知僧今駭出此邑若僧時到僧忍聽白如是
大德僧聽此某甲比丘行惡行汗他家行惡
行皆見聞知汗他家亦見聞知僧今駭出此
邑誰諸長老忍默然不忍者說如是第二第
三僧已駭出某甲竟僧忍默然故是事如是
持阿難受教將五百比丘往到彼邑諸居士
聞阿難與五百比丘來出迎問訊頭面禮足
却坐一面阿難即集衆乃至羯磨羯磨竟彼
二比丘猶故不去諸比丘問汝何故不去答
言阿難等隨愛恚癡畏是故不去何以故有
如是等同罪比丘有駭者有不駭者諸比丘
言汝莫說阿難等不隨愛恚癡有如是等同
罪比丘有驅者有不驅者汝等行惡行汗他
家行惡行皆見聞知汗他家亦見聞知汝出
去不應住此諸比丘如是諫堅持不捨以事
白佛佛以是事集比丘僧種種造責彼比丘
已語諸比丘應差一與彼親厚比丘往諫如
上次衆多比丘及僧諸比丘受教三反不受

以是白佛佛以是事集比丘僧重造責已告
諸比丘以十利故為諸比丘結戒從今是戒
應如是說若比丘依聚落住行惡行汗他家
行惡行皆見聞知汗他家亦見聞知諸比丘
語是比丘汝行惡行汗他家行惡行皆見聞
知汗他家亦見聞知汝出去不應此中住彼
比丘言諸大德隨愛恚癡畏何以故有如是
等同罪比丘有驅者有不驅者諸比丘復語
言汝莫作是語諸大德隨愛恚癡畏有如是
等同罪比丘有驅者有不驅者汝行惡行汗
他家行惡行皆見聞知汗他家亦見聞知汝
捨是隨愛恚癡畏語汝出去不應此中住如
是諫堅持不捨應第二第三諫第二第三諫
捨是事善不捨者僧伽婆尸沙行惡行者作
身口意惡行汗他家者令他家不復信樂佛
法見者眼自見聞者從可信人聞知者遠近
皆知差一親厚諫若捨一突吉羅悔乃至不
諫自捨餘如上說十三僧殘竟

共三

彌沙塞部五分律卷第三

甲三

聞陀上昌反昌料理上音宴安上於見於喞下上下尼音力去
 危脆下七反七嶺從下上必去聲反數下而嗽初二同上非音柯休然
 哥似休音驅驢巨二虛字音懷妊下而反而軟正作作涎唾
 下土似連反狐胡帥天所須銳天羊鹿胸息上詩同天詩遜

位上因反蘇熱弒二同音踰躅連合崔音奮音悅惚
 恍上同往反與腋下亦音敵反徒的推石上反土礪
 反耶對疇尼音耕反憊進必評頰脾上於反婆數下音
 蒲博胡上步嬉戲之上許角戾帝下零反翔祥捫門音

彌沙塞部五分律卷第三

廿四末

甲三

高

平江路磧砂延聖寺在慧天發心捨施白米一十六石人刊經局人匠
 食用助刊大藏經板所集 功德上酬
 佛德下濟群生凡是有情齊成佛道者大德年五月 日意

彌沙塞部五分律卷第四

甲四

初分第三二不定法
 宋罽賓三藏佛陀什共竺道生譯

佛在舍衛城介時跋難陀常出入一居士家
 晨朝著衣持鉢往到其舍敷尼師壇與居士
 婦獨屏處坐說姪欲產惡語時毗舍佉鹿子
 母聞跋難陀與居士婦獨屏處坐說姪欲產
 惡語念言若居士還見必生惡心向餘比丘
 使其長夜受諸苦痛我當遣人往白世尊即
 語常供養婆羅門那隣伽言汝往佛所頭面
 禮足廣說此事婆羅門即往白佛佛為說種
 種妙法已發遣令還佛以是事集比丘僧問
 跋難陀汝實亦不答言實亦世尊佛種種呵
 責如姪事中說已告諸比丘以十利故為諸
 比丘結不定法從今是戒應如是說若比丘
 共一女人獨屏處可姪處坐可信優婆夷見
 於三法中一一法說若波羅夷若僧伽婆尸
 沙若波逸提若比丘言如優婆夷所說應三